



Bosnia and Herzegovina  
Federation of Bosnia and Herzegovina  
**CANTON SARAJEVO**  
Ministry of Internal Affairs

**Broj: 01-11-4-6350-3**  
**Sarajevo, 07.07.2023.godine**

Na osnovu člana 21. Stav (3) tačke (c) Zakona o unutrašnjim poslovima Kantona Sarajevo („Službene novine Kantona Sarajevo, broj 1/16, 26/19, 31/19 i 39/20), člana 69. stav (3) Zakona o javnim nabavkama Bosne i Hercegovine („Službeni glasnik Bosne i Hercegovine“, broj 39/14 i 59/22) u postupku javne nabavke građevinsko-zanatskih radova na sanaciji krova u ulici Envera Šehovića, ministar unutrašnjih poslova Kantona Sarajevo, **d o n o s i**:

**O D L U K U**  
**o otkazivanju postupka nabavke građevinsko-zanatskih radova**  
**na sanaciji krova u ulici Envera Šehovića**

**I**

Otkazuje se postupak javne nabavke građevinsko-zanatskih radova na sanaciji krova u ulici Envera Šehovića pokrenut na osnovu Odluke broj 01-11-4-6350 od 07.11.2022. godine, kao pregovarački postupak bez objave obavještenja.

**II**

Poništava se i stavlja se van snage Odluka o izboru ponuđača broj 01-11-4-6350-2 od 03.03.2023. godine.

**III**

Ova odluka stupa na snagu danom donošenja.

**O b r a z l o ž e n j e**

Na osnovu Odluke o pokretanju postupka nabavke broj 01-11-4-6350 od 07.11.2022. godine, a nakon što su se stekli uslovi prema članu 21. stav (1) Zakona o javnim nabavkama, proveden je pregovarački postupak bez objave obavještenja u postupku nabavke građevinsko-zanatskih radova na sanaciji krova u ulici Envera Šehovića.

U predmetnom postupku, Izvođaču radova Sela d.o.o. Sarajevo, upućen je Poziv za dostavu inicijalne ponude i pregovore kao i Tenderska dokumentacija, a sve je objavljeno i na web stranici Ministarstva unutrašnjih poslova Kantona Sarajevo.

Komisija za javne nabavke Ministarstva, imenovana Rješenjem 05-1-11-4-519 od 01.02.2022. godine izvršila je otvaranje prispjele ponude, te izvršila i njen pregled i ocjenu o čemu je sačinjen Zapisnik o ocjeni kvalifikacijskih uslova početne ponude i konstatovano je da je ponuda formalno-pravno ispravna. Početna ponuda je iznosila 53.609,22 KM bez PDV-a.



Nakon toga, a u skladu sa Tenderskom dokumentacijom istog dana su, sa ovlaštenim predstavnikom Izvođača radova, Sela d.o.o. Sarajevo, članovi Komisije započeli pregovore o cijeni ponude i sačinjen je Zapisnik o obavljenim pregovorima.

Ponuđen je popust u iznosu od 5% od iznosa ukupne ponude, odnosno 2.680,46 KM, tako da bi ukupna cijena ponude iznosila 50.928,76 KM bez PDV-a.

Nakon toga, Izvođaču radova upućen je Poziv za dostavu konačne ponude u predmetnom postupku.

Konačna ponuda je dostavljena u predviđenom roku i iznosila je 49.080,77 KM bez PDV-a.

Izvršena je računska kontrola dostavljene ponude i konstatovano je da je ponuda računski ispravna ali da prelazi procjenjenu vrijednost koja je utvrđena na osnovu ranije provedenih postupaka. Međutim, zbog konstantnog rasta cijena na tržištu radova te činjenice da su raniji postupci okončani poništenjem zbog odustajanja od ugovora od strane ponuđača, prvenstveno zbog procjenjene vrijednosti nabavke, Komisija je predložila da se ponuda prihvati, te shodno utvrđenom činjeničnom stanju i kriteriju za dodjelu ugovora „najniža cijena“, a u skladu sa članom 70. Zakona o javnim nabavkama („Sl. glasnik BiH“ broj 39/14 i 59/22), Komisija jednoglasno dala preporuku ministru unutrašnjih poslova Kantona Sarajevo da u postupku nabavke građevinsko- zanatskih radova na sanaciji krova u ulici Envera Šehovića, donese odluku o dodjeli ugovora, ponuđaču Sela d.o.o. Sarajevo, u iznosu od 49.080,77 KM bez PDV-a.


Na osnovu date preporuke sačinjena je Odluka o izboru ponuđača u predmetnom postupku broj 01-11-4-6350-2 od 03.03.2023. godine.

Međutim, Izvođač radova je odustao od potpisivanja ugovora uz obrazloženje da je došlo do ponovnog povećanja cijena određenog građevinskog materijala, kao i rasta cijena radne snage u oblasti građevinarstva i velikog odliva radne snage u inostranstvo.

Cijeneći naprijed navedeno riješeno je kao u dispozitivu.

#### **POUKA O PRAVNOM LIJEKU:**

Protiv ovog rješenja dopuštena je žalba Uredu za razmatranje žalbi Bosne i Hercegovine, u roku od deset dana od dana dostavljanja ovog rješenja. Žalba se podnosi neposredno drugostepenom organu, uz obavezu dostavljanja kopije žalbe ovom Ministarstvu.



#### **Dostaviti:**

1. Ponuđaču,
2. Upravi podrške,
3. Komisiji,
4. Kabinet ministra, stručni savjetnik za odnose s javnošću i
5. a/a.

